

**U povodu obilježavanja 15 godina postojanja i uspješnog rada, Centralna banka Bosne i Hercegovine objavljuje**

## **JAVNI KONKURS**

za najbolje studentske istraživačke radove u oblasti monetarne politike i centralnog bankarstva

Pravo učestvovanja na konkursu imaju studenti završnih godina na dodiplomskom (bachelor) i magistarskom studiju na ekonomskim fakultetima u BiH.

Tri najbolja rada biće nagrađena novčanim nagradama:

**I nagrada - 3.000 KM**

**II nagrada - 2.000 KM**

**III nagrada - 1.000 KM.**

Svi učesnici, čiji radovi budu zadovoljili kriterije i budu razmatrani, biće nagrađeni stručnom knjigom.

U skladu s profesionalnim protokolom, Centralna banka Bosne i Hercegovine prihvatiće samo originalni rad autora, koji prilikom slanja rada potpisuje izjavu i na taj način potvrdi da je rad isključivo autorsko djelo, da nije prethodno objavljen, kao i da se ne razmatra niti u jednoj drugoj publikaciji za objavljivanje. Učesnici takođe trebaju osigurati dokaz o svom trenutnom studentskom statusu.

Radove na jednom od službenih jezika u BiH treba dostaviti u elektronskoj formi (isključivo PDF format) na adresu: [konkurs@cbbh.ba](mailto:konkurs@cbbh.ba) te printanu verziju dokumenta s dokazima o studiranju na adresu: Centralna banka Bosne i Hercegovine, Konkurs za studente, Maršala Tita 25, 71000 Sarajevo.

**Rok za dostavljanje radova je 11. august 2012. godine, kada se obilježava godišnjica osnivanja Centralne banke Bosne i Hercegovine.**

**Rezultati konkursa biće objavljeni do kraja oktobra 2012. godine na web stranici Centralne banke Bosne i Hercegovine [www.cbbh.ba](http://www.cbbh.ba), a dodjela nagrada biće upriličena 31. oktobra 2012. godine.**

Prispjeli radovi se ne vraćaju autorima.

Radovi moraju ispunjavati tehničke zahtjeve koji se mogu naći na web stranici [www.cbbh.ba](http://www.cbbh.ba)

### **I Tekst:**

Ukupan tekst može da sadrži do 6.000 riječi (ili 20 stranica teksta) bez priloga, s fontom Times New Roman 12 (TNR) i jednim proredom, osim naslova rada koji treba da bude u fontu TNR 18. Format stranice mora biti A4.

Redoslijed teksta treba da bude slijedeći:

Naslovna strana koja sadrži:

- Naslov rada koji je istaknut na posebnoj liniji u fontu TNR 18
- Ime i prezime autora i koautora.

Apstrakt rada treba da bude dužine do 250 riječi i napisan na jednom od jezika koji se govore na teritoriji BiH. Apstrakt treba da sadrži tri paragrafa: uvod, opis teme, rezultate i zaključak.

Na drugoj strani rada obavezno navesti:

Podatke: adresa, telefon i e-mail autora i koautora, s tim da su podaci o autoru uvijek napisani na prvom mjestu, pa onda o koautoru/ima.

Ključne riječi: ne više od pet ključnih riječi koje karakterišu glavne teme rada.

Na trećoj strani rada obavezno prikazati sadržaj s numeracijom stranica, kao i listu tabela i grafikona koji su navedeni u tekstu.

U cijelom radu sve stranice treba da budu numerisane, osim prve stranice. Sve statističke metode treba detaljno da budu opisane u sekciji metoda.

### **II Tabele i grafikoni:**

Sve tabele i grafikoni moraju biti numerisani. Svaka tabela i grafikon, treba da ima kratak naslov, a ispod tabele i grafikona obavezno navesti i izvore podataka.

### **III Reference:**

Reference na druge radove treba napraviti slijedeći Harvard stil za reference, uključujući autora/e i godinu. Numeraciju referenci treba napraviti po alfabetskom redoslijedu na kraju rada pod nazivom "Reference".

Za dodatne informacije zainteresirani se mogu obratiti na e-mail adresu: [konkurs@cbbh.ba](mailto:konkurs@cbbh.ba)